



Kajitōk ko Rekūt Ilo Melele in Kajinet eo - Jikin Ikkure im Kaboñboñ ko Inabōj

(Emōj Kōkkāal 12-15-2020)

Ijin lal elōñ uwaak ko ñan Kajitōk ko Rekut Kajitōki ilo Melele in Kajinet eo an Ra in Ejmour eo an Oregon (OHA) ikijen [Melele in Kajinet an Jejjetin Kilaaj ñan Jikin Ikkure ko Inabōj im Jikin Kaboñboñ ko Inabōj \(Melele in Kajinet an Jikin Ikkure im Kaboñboñ ko Inabōj\)](#). OHA ej lelok Kajitōk kein Rekut ñan jibañ an armij in lobelej melele kin melele in kajinet eo, ñan uwaake kajitōk ko an armij ro im rej bōk kwōnaer, im kalikar wewein an melele in kajinet eo maroñ jermal ilo jejjetin melan ko. Emaroñ jab niknik ien kōkkāal melelein Kajitōk kein Rekut. Kajitōk ko Rekut raar jab kōmman ñan bōk jikin melele in kajinet eo, ak ñan jibañ ukok, kakoba melele, im kanne tibdik in melele ko an kein kajinet eo.

K1: Emelim ke kaam?

U1: Aet. Jikin kaam ko an lobelej im an bijnej ko emelim aer madmōd. Makūtkūt ko an doulul ko remelim ikōtaan ro uwaan juon wōt kapijukunen ak pade. Elañe einjuon, armij rej aikuj in lolorjake ke ejab diklok jen jiljino (6) ne aer kōttolok jen enbwinin doon.

K2: Ñan makūtkūt in ikkure ko inabōj einwōt hiking, joñan wōran armij remaroñ kakobaba ej ke jermal ñan joñan wōran armij ilo doulul ko?

U2: Aet.

K3: Jikin kaam ko, baak ko inabōj im ial in etetal ko an hike ewōr ke aer joñan wōran armij remaroñ bed ie?

U3: Jab. Ejellok joñan wōran armij ro remaroñ bed ilo jikin lobelej ko inabōj. Waan joñak in jikin kein ej baak ko an state, jikin ikkure golf ko, jikin kaam ko, im ial in bajikol ilo tol ko.

K4: Emelim ke jikin kōmadmōd ko jikin kallib im kwōj kelet/kwōj mwijiti (u-pick/u-cut)?

U4: Aet. Men kein remelim ilo aer loor [Melele in Kajinet an Jejjetin Kilaaj ko ñan Imōn Wia ko](#). Ñan elōñlok melele ko kin Atake ko Kwōj Kelet (U-Pick Farms), lale melele eo an Ra in Atake eo an Oregon [Melele ko kin Atake ko Kwōj Make Kelet](#).

K5: Ewi ekkutkut in ad aikuj karreo ijoko jikin an ajri ikkure inabōj?

U5: Rikōmadmōd doulul in ikkure ko inabōj rej aikuj karreo jikin ikkure ko inabōj juon kōtaan ilo ien elabtata kōjerbali im bar juon alen ilo jemlokin juon raan.

K6: Elañe elōñlok jen juon wōt beba in kajinet me ej ekkar ñan kilaaj eo aō, ewi wāween aō kelete juon bwe in loore?

U6: Doulul ko rej aikuj in loore aoleb kajinet ko rekkaar ñan kilaaj eo. Doulul ko remaroñ, im ekut aer aikuj loor elōñlok jen juon beba in melele in kajinet.

K7: Jakit in kejbarok mour/kein kōbbebe juon armij make (PFD ko) me rej jata, reaikuj ke manman kij ioon ikōtaan an kajojo armij kōjerbali?

U7: Aet, jakit in kejbarok mour im kein kōbbebe ko (PDF) rej aikuj manman kij ikōtaan an kajojo armij kōjerbali. Ej mennin aikuj an rikōmadmōd ro an jikin ikkure ko inabōj en ikut aer karreo im manman kij ilo jikin jermal ko, jikin ko elab an armij ito-itak im jikin ko elab jibwi, ilo jikin ko an baak im ren an ilobelej ak rejab im rej bed ie. Kōjermal kein manman kij ko emōj likūt ilo [laajirakin etan kein karreo ko emōj an Obij in Kejbarok Mejatoto \(EPA\) kōwebben](#) ñan SARS-CoV-2 kij eo me ej kōmman nañinmij in COVID-19.

K8: Ewi wāween amim karreo wa ko paddle boat, kayak im mennin reen ko jet?

U8: Rikōmadmōd ro rej kōmman ikkure inabōj ko ren karreo aoleb kein jermal ko ikōtaan an kajojo armij kōjerbali ilo aer kōjermal kein manman kij ko emōj likūt ilo [laajirakin etan kein karreo ko emōj an Obij in Kejbarok Mejatoto \(EPA\) kōwebben](#) ñan SARS-CoV-2 kij eo me ej kōmman nañinmij in COVID-19. Rikōmadmōd ro rej kōmman ikkure ko inabōj rebar aikuj kakut aer karreo im manman kij ilo jikin jermal ko, ijoko elab ito-itak, im ioon men ko ekkā jibwi ilo jikin ko an lobelej im ejab ilo baak ko im em ko.

K9: Ñe elōñ jikin ikkure inabōj ewōr emen melaj in ikkure, emelim ke kōmelmel ak ikkure ilo kajojo melaj eo ilo ejja juon wōt ien?

U9: Aet, elañe jikin eo emaroñ loor kakien ko ilal. Ilo ien elōñ ikkure ak kaboñboñ inabōj rej kōmman ilo juon wōt jikin ikkure ak kaboñboñ inabōj ilo ejja ien eo wōt, rikōmadmōd ro an ikkure im kaboñboñ rej aikuj in:

- Loor joñan wōran armij ro elabtata ilo jikin eo ñan joñan uwōta eo emōj kalikar an county eo im jikin ikkure eo inabōj ej bed ie. Waan joñak, ilo county ko ekanuij in lab joñan uwōta, kajojo makūtkūt emaroñ labtata 50 armij.
- Lolorjak an rijermal ro, ro rej bōk kwōnaer im rialwōj ro ilo makūtkūt in ikkure ak kaboñboñ ko inabōj bwe ren jab kōjermal ejja jikin ko, ekoba bōtab ejab jemlok wōt kin imōn kōbojak, jikin etetal ko, jikin wia mōñā im mweiuk ko.
- Karreo im manman kij ioon ijoko ekut jibwi, einwōt kein jibwe kejem ko, ikōtaan makūtkūt in ikkure ak kaboñboñ ko inabōj rej kōmman ālikin doon.
- Lolorjak an karreo im manman kij ilo ijoko elab ito-itak einwōt jikin deloñ, diwōj, tebōl ko imaan ilo jikin deloñ, imōn kōbojak im jikin wia mōñā im mweiuk, ikōtaan makūtkūt in ikkure ak kaboñboñ ko inabōj rej kōmman ālikin doon.

- Elaŋe rijerbal ro, ro rej bōk kwōnaer im rialwōj ro ilo **juon wōt** makūtkūt in ikkure ak kaboŋboŋ inabōj renaj jimor kōjerbal juon wōt imōn kōbojak, likūt bwe en bellok wōt kejem in diwōj im deloŋ ko, ŋe remaroŋ, im lolorjake an ikut karreo im manman kij ioon ijoko ekut jibwi einwōt kein ejob kejem im bojet ko.

K10: Melaj ko im mōko ilo jikuul ko rej ke bed wōt ŋan ad kōjerbale meŋe jikuul ko rej kilōk wōt?

U10: Jikuul ko local im bukōn jikuul ko renaj ba ekijkan im ŋāāt eo armij in lobelej emaroŋ kōjerbale mōko jikin jikuul ko. Kebaak bukōn in jikuul eo ŋan bōk melele ko kin an wōr jikin jikuul ko ŋan kōjerbali.

K12: Melele in Kajinet ta kim en kōjerbal ŋan kōmelmel in ikkure ilo high jikuul?

U12: Ikkure ko an high jikuul rej aikuj loor [Melele in Kajinet eo an Ikkure im Kaboŋboŋ Inabōj](#).

K13: Emelim ke fun run ko rej einwōt makūtkūt in 5k im 10K?

U13: Aet, kain makūtkūt kein remelim. Ro rej karōke makūtkūt ko rej aikuj loor [Melele in Kajinet eo an Ikkure im Kaboŋboŋ Iloan Em](#) ak [Melele in Kajinet eo an Ikkure im Kaboŋboŋ Inabōj](#), ekoba joŋan wōran armij ro elabtata ilo jikin eo, ŋan joŋan uwōta eo an county eo im makūtkūt eo ej kōmman ie.

K14: Rikōmadmōd ro an jikin tutu pool ko inabōj remaroŋ ke kajutak kein kōmman tōrerein im ioon jikin tutu eo an jidik ien im watōke wōt rej bed inabōj?

U14: Rikōmadmōd ro an jikin tutu pool ko remaroŋ kajutak kein bineje tōrerein im ioon jikin tutu pool eo inabōj iomwin ien kadu wōt, bōtab, ŋan ad maroŋ watōke einwōt juon jikin tutu pool inabōj, tōrerein im ioon mweo ej aikuj loor melele eo an “inabōj.” “Inabōj” ej melelein jikin eo ebellok ŋan mejatoto im ejob diklok jen jiljilimjuonŋoul lalem bōjjāān in jukwea ne in tōrerein ebellok ŋan an mejatoto deloŋ-diwōj. Men in ekoba jikin ko ewōr ioon mweo an jidik ien ak ebin (waan joŋak, kein kalbubu ak raan mweo). **Ŋe jikin eo ejob tōbrak melelein inabōj, innem naj watōke ke jikin tutu pool eo ej iloan em im ej aikuj loor mennin aikuj ko im melele in kajinet eo an madmōd ko iloan em.**

K15: Rikōmadmōd ro an jikin tutu pool ko inabōj remelim ke in kōbellok ruum in lakkar ko iloan em ŋan an riaō ro kōjerbali?

U15: Aet. Ruum in lakkar ko iloan em remaroŋ jermal ilo aer loor [Melele in Kajinet eo an Ikkure im Kaboŋboŋ ko Inabōj](#), im ekoba jejetin melele in kajinet ŋan kōmadmōde ruum in lakkar ko. Ilo county ko ekanuij in lab uwōta, aoleb sauna, ruum in baat ko, tab ko rebwil, jikin tutu ko rej lelok jibaŋ im jabdewōt jikin tutu pool ewōr an laijen ejob melim in madmōd iloan ruum in lakkar ko.

K16: Ro rej lelok katak in kōmelmel ŋan kajojo armij rej ke watōke rej lelok jibaŋ ŋan kajojo armij?

U16: Jab. Ro rej lelok katak in kōmelmel rej aikuj loor melele in kajinet eo an jikin ko rej lelok jermal in jibaŋ ŋan armij. Armij ro rej lelok katak in kōmelmel ŋan kajojo

armij rej aikuj in loor [Melele in kajinet eo an Ikkure im Kaboñboñ Iloan Em](#) ak [Melele in Kajinet eo an Ikkure im Kaboñboñ Inabōj](#), ekkar ñan ia eo rej lelok katak eo ie. Katak in kōmelmel ko ñan kajojo armij remelim ilo mōko mōn armij ilo aer loor joñan wōran armij ro rej kakobaba emōj kalikar ilo [Melele in Kajinet an Jejjetin Kilaaj eo Ikijen Kakobaba in Armij](#) im [Laajrak in Melele in Kajinet eo an Joñan Uwōta an Jejjetin Kilaaj](#).

K17: Melele in kajinet ta eo jikin kakkije ko an ski rej loor ñan kōmadmōd ko aer?

U17: Kinke elōñ makūtkūt ko rej kōmman ilo jikin kakkije ko an ski, jikin kakkije ko an ski rej aikuj loor elōñ melele in kajinet ko an elōñ kilaaj ko, ekkar ñan makūtkūt eo. Tol in Ski ko rej watōke rej jikin ko an lobelej inabōj im ejellok aer joñan wōran armij elabtata.

- Rikōmadmōd ro an jikin kakkije in ski ko rej aikuj loor [Melele in Kajinet eo Ekkā an Jikin Jerbal im Doulul ko](#), im ekoba mennin aikuj ko ñan ekōnak kein kalbubu im kein bōbrae būlajtik iturin māj.
- Jikin Mōñā im Idaak ko ilo Jikin Kakkije ko an ski rej aikuj loor [Melele in Kajinet eo an Jikin Mōñā im Idaak](#).
- Imōn wia in reen kein ski im imōn wia mweiuk in lelok rej aikuj loor [Melele in kajinet eo an Imōn Wia](#).
- Jikin kakkije ko an ski rej aikuj loor jabdewōt melele in kajinet ekkar an jikin eo (waan joñak makūtkūt in kamōnōnō ko inabōj rej aikuj loor [Melele in Kajinet an Jikin Kamōnōnō ko Inabōj](#)).

K18: Kein kalbubu iturin māj ko rej ke mennin aikuj ñan makūtkūt ko inabōj wōt ak rej ke mennin aikuj wōt ñe armij rejab maroñ bed jiljino (6) ne ettolok jen doon?

U18: Aikuj ekōnak juon kein kalbubu iturin māj jekdon ñe armij ro kajojo rej lolorjak aer bed (6) ne ettolok jen doon. Coach ro, rikkure ro, referee ro im rikatak ro rej aikuj in ekōnak kein kalbubu iturin māj einwōt an jikin taktō, kein kalbubu ak kein bōbrae iturin māj, ilo ien aer bōk kwōnaer ilo ikkure ko rej kōmman inabōj.

K19: Ewōr ke mennin kōjekdoon ikijen kein kalbubu iturin māj ñan rijikuul ro rej ikkure im ewōr kadede aer nañinmij?

U19: Jab. Ewōr ien ko redik wōt kwōjab aikuj ekōnak kein kalbubu ak bōbrae iturin māj ilo juon jikin ej bed iomwin melele in kajinet eo ibelakin state eo, ekoba ilo ien am bōk kwōnaam ilo juon ikkure ej kaabañ am ekōnak juon kein kalbubu ak bōbrae iturin māj, einwōt ilo ien am tutu. Jikuul im bukōn in jikuul ko rej aikuj karejar ibben loār ro aer ñan lolorjak rej loor Kakien in Utamwe eo an RiAmedka im Kakien in Jelālokjen kin Kajojo Armij ro ewōr aer Utamwe, im bareinwōt kakien ko jet rekkar.

K20: Ta joñan wōran armij ro elabtata ñan ikkure ko inabōj an jikuul kilaaj K-12?

U20: Ikkure ko an jikuul rej aikuj loor joñan wōran armij ro elabtata ñan joñan uwōta eo emōj kalikar an county eo im jikuul eo ej bed ie.

K21: Kumi in ikkure ko an jikuul kilaaj K-12 remaroñ ke katak ilo jikin tutu pool ko iloan em im inabōj, jekdon ñe rekilōk?

U21: Jab. Ejellok mennin kōjenolok ko ñan kilōk ko an jikin tutu pool ko ñan kumi in ikkure ko an jikuul.

K22: Melele in Kajinet eo an Jikin Ikkure im Kaboñboñ Inabōj ej ba ej jermal ñan “jikin ko inabōj armij in lobelej rej etal ñani, einwōt ekkar.” Ta melelein men in?

U22: Jikin ko inabōj im armij in lobelej rej etal ñani, einwōt kōmelele ilo [Melele in Kajinet eo an Jikin Ikkure im Kaboñboñ Inabōj](#) rej aikuj in loor melele in kajinet eo ñan joñan eo ekkar ñan jikin ko inabōj armij in ilobelej rej etal ñani. Waan joñak, mennin aikuj eo bwe en wōr juon eo ej lale an armij kōttolok doon ejab jermal ñan rikōmadmōd ro an jikin ko ilobelej inabōj, kinke mennin aikuj eo ejab maroñ tōbrak ilo elōñ jikin ko an armij in ilobelej. Bōtab, rikōmadmōd ro ilo jikin ko inabōj an lobelej rej aikuj in loor melele in kajinet eo ekkar einwōt karreo im manman kij ilo imōn kabojak ko.

Maroñ loe beba in: Ñan armij ro im elōñ aer utamwe ak armij ro im rejelā juon bar kajin im ejab Kajin Belle, OHA emaroñ lelok melele ko ilo wewein ko jet einwōt ukok ko, jeje kileb, ak jeje ko an ribilo. Kebaak Jikin Melele in Ejmour eo ilo 1-971-673-2411, 711 TTY ak COVID19.LanguageAccess@dhsosha.state.or.us.